

22 Hitê thiⁿsài koh pò góa khòaⁿ chít tiâu sèⁿmiā chúí ê hô, chheng kah ná chhinchhiūⁿ chúichiⁿ, tùi SiōngChú kah lûⁿko ê póchō lâu chhut lâi, 2 lâukòe siâⁿlāi ê chúiau kelō. Tī hô ê siangpêng ū sèⁿmiā chhiū, ē kiat chapjī chióng kóechí, j̄ichhiáⁿ ták kògoéh lóng ē kiat kóechí; chhiū ê hiòh'á ē tàng itī bānbîn. 3 Siâⁿlāi bô kohchài ū chiùchó. SiōngChú kah lûⁿko ê póchō ē tī siâⁿlāi, l ê pòkjîn lóng beh sūhông l. 4 In ē khòaⁿkìⁿ l ê bîn, j̄ichhiáⁿ l ê miâ ē siá tī in ê thâuhiáh. 5 Tī hia bô koh ū òàm mê, mā bô suiàu tengkng á sī j̄itkng, inūi Chú — SiōngChú ē kā in chiò kng. In beh chò ông thóngtī, títkau éngoán.

Kitok Liâmpiⁿ ē Kànglím

6 Hitê thiⁿsài koh tùi góa kóng, “Chiahê òe sī chinsit khókhò ê. Chú, iā tòh sī siúⁿsù l ê Sènglêng hō cheng tãigiânj̄in ê SiōngChú, ū chhephài l ê thiⁿsài, kā teh beh hoatseng ê tãichì chísī l ê lôpók.”

7 “Khòaⁿ ah, Góa liâmpiⁿ ē lâi. Chunsíu chit kng chheh lâi ê t̄giân ê lêng, sitchāi chin ū hokhì!”

8 Góa — lôháneh sī chhinsin thiaⁿkìⁿ, koh khòaⁿkìⁿ chiahê tãichì ê lêng. Góa thiaⁿkìⁿ koh khòaⁿkìⁿ liáuāu, tòh phak lòhkhì hitê kā chiahê tãichì chísī góa ê thiⁿsài kha chêng, beh kèngpài i. 9 M̄ koh, i tùi góa kóng, “Chhianbān m̄ thang! Góa kah lí, lí é hiaⁿtī, cheng tãigiânj̄in, íkip chunsíu chit kng chheh ê òe é hiahê lêng kàngkhoán, lóng sī chò lôpók ê. Lí engkai tiòh kèngpài SiōngChú!” 10 Thiⁿsài koh tùi góa kóng, “M̄ thang kā chit kng chheh ê t̄giân hong bát, inūi sī teh beh kàu à. 11 Chò pháiⁿ ê, hō i kèsiók chò pháiⁿ; ùe è, hō i kèsiók ùe; chò hó ê, hō i kèsiók chò hó; sèngkiat ê, hō i kèsiók póchhī sèngkiat.”

12 “Khòaⁿ ah, Góa liâmpiⁿ tòh kàu! Góa ē tòa lâi pòsiúⁿ, beh chiàu ták lêng é sǒ chò lâi pòeng i. 13 Góa sī khíthâu ê Alpha (A), mā sī kiatbóe ê

22 Hitê 天使 koh 報我看一條性命水 ê 河，清 kah ná 親像水晶，tùi 上主 kah 羊羔 ê 寶座流出來，2 流過城內 ê 主要街路。Tī 河 ê 雙 pêng 有性命樹，ē 結十二種果 chí，而且 ták 個月 lóng ē 結果 chí；樹 ê 葉 á ē tàng 醫治萬民。3 城內無 koh 再有咒詛。上主 kah 羊羔 ê 寶座 ē tī 城內，祂 ê 僕人 lóng beh 事奉祂。4 In ē 看見祂 ê 面，而且祂 ê 名 ē 寫 tī in ê 頭額。5 Tī hia 無 koh 有烏暗暝，mā 無需要燈光 á 是日光，因為主—上主 ē kā in 照光。In beh 做王統治，直到永遠。

基督 Liâmpiⁿ ē 降臨

6 Hitê 天使 koh 對我講：「Chiahê 話是真實可靠 ê。主，也 tòh 是賞賜祂 ê 聖靈 hō 眾代言人 ê 上主，有差派祂 ê 天使，kā teh beh 發生 ê tãichì 指示祂 ê 奴僕。」

7 「看 ah，我 liâmpiⁿ ē 來。遵守 chit 卷冊內 ê 預言 ê 人，實在真有福氣！」

8 我—約翰是親身聽見，koh 看見 chiahê tãichì ê 人。我聽見 koh 看見了後，tòh 仆落去 hitê kā chiahê tãichì 指示我 ê 天使腳前，beh 敬拜伊。9 M̄ koh，伊對我講：「千萬 m̄ thang！我 kah 你、你 ê 兄弟、眾代言人，以及遵守 chit 卷冊 ê 話 ê hiahê 人全款，lóng 是做奴僕 ê。你應該 tiòh 敬拜上主！」10 天使 koh 對我講：「M̄ thang kā chit 卷冊 ê 預言封密，因為時 teh beh 到 à。11 做 pháiⁿ ê，hō 伊繼續做 pháiⁿ；污穢 ê，hō 伊繼續污穢；做好 ê，hō 伊繼續做好；聖潔 ê，hō 伊繼續保持聖潔。」

12 「看 ah，我 liâmpiⁿ tòh 到！我 ē 帶來報賞，beh 照 ták 人 ê 所做來報應伊。13 我是起頭 ê 阿爾法 (A)，mā 是結尾 ê 亞米茄 (Ω)；

Omega (Ω) ; sī khaisí ê, mā sī kiatsok ê.”

14 Kiànnā kā kakī ê saⁿkhò sé chhenghì ê lâng chin ū hokkhì! In ū koân thang chiah sèⁿmiā chiū ê kóechí, mā ē tàng tùì siáⁿmîg jíp siáⁿ. 15 Hiahê káulūi, kiáⁿ siásút ê, kiáⁿ kanîm ê, thâi lâng ê, pài ngósiōng ê, kah sōū ài kóng pèhchhát koh kiáⁿtáh mā bô láusít ê lâng, in tiòh lâu tī siáⁿ gōa.

16 “Góa — Iésu íkeng chhephài Góa ê thiⁿsài khì cheng kauhōe, tùì lín chengbêng chiahê tãichì. Góa sī Tabít ê kinthâu, mā sī i ê kiáⁿsun; Góa sī kng iàⁿiàⁿ ê khébêngcheⁿ.”

17 Sènglêng kah sinniū lóng kóng,

“Lâi!”

Thiaⁿkìⁿ ê lâng mā lóng tiòh kóng,

“Lâi!”

Chhùita ê lâng tiòh lâi!

lài ê lâng lóng ē tàng pèhpèh niásiū sèⁿmiā ê chúí.

Kiatlūn

18 Góa beh tùì sōū thiaⁿkìⁿ pún chheh īgiân ê lâng chò kiànchêng: Nā ū lâng tī chitê īgiân kethiⁿ siáⁿmîh, SiōngChú ittēng ē kā pún chheh só kichài ê chaihō kethiⁿ hōⁱ; 19 nā ū lâng tùì pún chheh ê īgiân santú siáⁿmîh, SiōngChú mā ittēng ē tùì pún chheh só kichài ê sèⁿmiā chiū kah sèngsiáⁿ santú i ê hūngiáh.

20 Ūi chiahê tãichì chò kiànchêng ê Hit Ūi kóng,

“Khaksít sī áne, Góa liâmpiⁿ tòh ē lâi!”

Amen! Chú Iésu, kiú Lí kànglím!

21 Goān Chú Iésu ê intián kah lín tãike tôngchāi! Amen!

是開始 ê, mā 是結束 ê。」

14 見若 kā kakī ê 衫褲洗清氣 ê 人真有福氣! In 有權 thang 食性命樹 ê 果 chí, mā ē tàng tùì 城門入城。 15 Hiahê 狗類、行邪術 ê、行姦淫 ê、thâi 人 ê、拜偶像 ê, kah 所有 ài 講白賊 koh 行踏 mā 無老實 ê 人, in tiòh 留 tī 城外。

16 「我—耶穌已經差派我 ê 天使去眾教會, 對 lín 證明 chiahê tãichì。我是大衛 ê 根頭, mā 是伊 ê kiáⁿ 孫; 我是光 iàⁿiàⁿ ê 啟明星。」

17 聖靈 kah 新娘 lóng 講:

「來!」

聽見 ê 人 mā lóng tiòh 講:

「來!」

嘴乾 ê 人 tiòh 來!

意愛 ê 人 lóng ē tàng 白白領受性命 ê 水。

結論

18 我 beh 對所有聽見本冊預言 ê 人做見證: 若有人 tī chitê 預言加添啥物, 上主一定 ē kā 本冊所記載 ê 災禍加添 hōⁱ伊; 19 若有人 tùì 本冊 ê 預言刪除啥物, 上主 mā 一定 ē tùì 本冊所記載 ê 性命樹 kah 聖城刪除伊 ê 份額。

20 為 chiahê tãichì 做見證 ê Hit 位講:

「確實是 áne, 我 liâmpiⁿ tòh ē 來!」

阿們! 主耶穌, 求祢降臨!

21 願主耶穌 ê 恩典 kah lín 大家同在! 阿們!